

Informacija o zahtjevima UP FBiH

- 1. Zakon o PDV-u** („Službeni glasnik BiH“, broj: 9/05, 35/05, 100/08 i 33/17)
- 2. Pravilnik o primjeni Zakona o PDV-u** („Službeni glasnik BiH“, broj: 93/05, 21/06, 60/06, 6/07, 100/07, 35/08 i 65/10 i 85/17)
- 3. Uputstvo o postupku izvoza** („Službeni glasnik BiH“, broj: 73/06)

ZAHTJEVI UDRUŽENJA POSLODAVACA FBiH:

1. Zakon o PDV-u

a) Rok za podnošenje prijave za plaćanje PDV-a i plaćanje poreza

U Zakonu o PDV-u rok za podnošenje prijave za plaćanje PDV-a je do 10-og u mjesecu za prethodni mjesec i za jedan dio poreznih obaveznika taj rok je suviše kratak, posebno ukoliko se u tom periodu poklope dva vikenda i praznik. A ukoliko porezni obaveznik ne podnese prijavu u zakonski predviđenom roku bit će novčano kažnjen.

Prijedlog UP FBiH je da se u Zakonu o PDV-u rok za podnošenje prijave za plaćanje PDV-a, koji je trenutno do 10-og u mjesecu za prethodni mjesec, pomjeri na zadnji dan u mjesecu. Pomjeranje bi se vršilo sukcesivno, po pet dana u mjesecu kako bi se izbjegli problemi sa eventualnom likvidnošću.

b) Mali porezni obaveznici

Prema postojećem zakonskom rješenju mali porezni obaveznici ne plaćaju porez po naplati, što dovodi do problema u poslovanju i velike nelikvidnosti, a jedan dio obrta se i zatvara.

Prijedlog UP FBiH je da mali porezni obaveznici plaćaju porez po naplati i takvo rješenje je u skladu sa rješenjima zemalja regiona, zemalja EU, ali i sa evropskim direktivama.

c) Ukinuti pravo na odbitni PDV za fakturu koja nije plaćena

Veliki broj privrednih subjekata ostvaruje enormnu korist koristeći pravo na odbitni porez, a da pri tome ne plaćaju fakturu.

Posljedica toga je da dovode u stanje nelikvidnosti, pa čak i nesolventnosti veliki broj privrednih subjekata.

2. Pravilnik o primjeni Zakona o PDV-u

a) Izmjena članova 94. i 95. Pravilnika

Zbog primjene članova 94. i 95. Pravilnika o primjeni Zakona o PDV-u privrednici u BiH ne mogu ostvariti povrat PDV-a iz 11 zemalja EU, koje traže reciprocitet. Među državama koje traže reciprocitet su i dvije zemlje koje su naši najveći vanjskotrgovinski partneri - Hrvatska i Slovenija, te još tri zemlje koje su nam značajni partneri - Italija, Mađarska i Švajcarska.

Kako bi se riješio problem nemogućnosti povrata PDV-a, UP FBiH predložilo je izmjenu članova 94. i 95. Pravilnika o primjeni Zakona o PDV-u, a koja bi omogućila zaključivanje sporazuma kojim bi se omogućio povrat PDV-a.

b) Izmjene Pravilnika kojima će se:

- Uvesti obaveza plaćanja PDV-a stranim prevoznicima za usluge prevoza putnika
- Domaćim i stranim prevoznicima PDV obračunavati na isti način
- Način obračuna PDV-a uskladiti sa trenutnim načinom obračuna u državama okruženja i državama Evropske unije.

Prema odredbama postojećeg Pravilnika strani prevoznici prilikom prevoza putnika preko teritorije Bosne i Hercegovine ne plaćaju PDV. Posljedice neplaćanja PDV-a od stranih prevoznika su sljedeće:

- BiH ima velike gubitke u budžetu
- Vršiti se diskriminacija domaćih prevoznika koji plaćaju PDV u odnosu na strane prevoznike
- Smanjena je konkurentnost domaćih prevoznika.

Uvođenje odredbe u Pravilnik kojom će se omogućiti naplata PDV-a stranim prevoznicima je u skladu sa rješenjima zemalja regiona, zemalja EU, ali i sa evropskim direktivama.

Također, veoma je bitno da se na isti način obračunava PDV i za domaće i za strane prevoznike, te da se ne pravi diskriminacija.

Način obračuna PDV-a koji se primjenjuje u Bosni i Hercegovini diskriminirajući je u odnosu na način obračuna PDV-a u drugim zemljama. Nema razloga da se u BiH primjenjuje drugačiji način obračuna PDV-a i da se domaćim prevoznicima obračunava veći PDV za istu kilometražu. Stoga, predlažemo da se u BiH primjenjuje isti način obračuna kao u zemljama okruženja i Evropske unije.

3. Uputstvo o postupku izvoza

Prema postojećem rješenju iz Uputstva o postupku izvoza carinske prijave se podnose u pisanom obliku, a takav način je prevaziđen i zastario, oduzima puno vremena, ali i sredstava,

ne dovodi do poboljšanja kvaliteta carinskih kontrola i nije u skladu sa carinskim propisima drugih zemalja i zemalja Europske unije.

Zbog neposjedovanja primjerka ovjerene carinske prijave u fizičkom obliku, izvoznici ne mogu dokazati stvarni istup robe sa područja BiH i ne mogu ostvariti pravo na povrat PDV-a. Nepoštivajući odredbe Uputstva o postupku izvoza, ovjereni primjerak carinske prijave se ne vrati deklarantu/ špediteru i izvoznici u velikom broju slučajeva ne dođu u posjed iste. Zbog navedenog, izvoznicima je zapriječeno prekršajnim prijavama i visokim kaznama.

Prijedlog UP FBiH je da se carinske prijave podnose korištenjem tehnike elektronske obrade podataka, a samo izuzetno u pismenom obliku, te da se kontrola stvarnog istupa robe, poreza na dodatu vrijednost, drugih indirektnih poreza, ili primjena mjera trgovinske politike vrši uvidom u elektronsku bazu podataka.

Napomena: Obzirom da smo u Upravi za indirektno oporezivanje na sastanku razgovarali i o uređajima za fiskalizaciju u nastavku su naši zahtjevi u vezi sa tim pitanjem.

a) Ukidanje uređaja za fiskalizaciju, uz obavezu poreznih obaveznika da se softverski povežu sa serverom Uprave za indirektno oporezivanje u Banjoj Luci.

b) Ukidanje fiskalizacije u veleprodaji, čime bi se pristupilo harmonizaciji propisa na nivou BiH, kako se ne bi narušavao princip ravnopravnosti poslovnih subjekata u jedinstvenom tržišnom sistemu jedne države. Ukidanjem fiskalizacije u veleprodaji neće se narušiti finansijska disciplina i stepen naplate PDV-a, što pokazuje praksa zemalja koje su je ukinule.